

ÅRSMELDING 2008

Tillitsvalde i 2008-2009 har vore:

Styremedlemer:

Beint Foss, Tveit Historielag, leiar
Anders Auen Grimnes, Vestre Moland og Lillesand Historielag, nestleiar
Ellen Ledaal Gjertsen, Arendal Historielag, styremedlem
Hallvard Tveit, Valle Sogelag, styremedlem
Ragnhild S. Larsen, Flekkefjord Historielag, styremedlem
Jan Arild Andersen, Stokken Historielag, styremedlem
Turid Bjørkenes, Holum Historielag, styremedlem fram til november -08, då erstatta av Olaf Ingebretsen
Inge Augland, Torridal Historielag, styremedlem

Varamedlemer:

Helge Wiig, Holum Historielag
Kristian Sundtoft, Vestre Mol. og Lilles. Hist.lag
Liv Kirsten Rølland, Tveit Historielag
Kari M. Bruli, Kvinesdal Historielag
Olaf Ingebretsen, Vennesla Historielag
Bernt Gautestad, Evje og Hornnes Sogelag
Sveinung Lien, Tvedestrand Historielag
Jan A. Ommundsen, Tromøy Historielag

Valkomiteen:

Ellinor Lundberg, Arendal
Jørdis Hodnemyr, Vennesla
Olav Arne Kleveland, Evje
Per T. Knudsen, Kristiansand

Revisor:

Ettersynet av rekneskapen er gjort av fylkesrevisjonen i Vest-Agder

Skrivar:

Borghild Løver, Lindesnes

Verksemda i laget:

Styret

Det har vore 3 styremøte og 18 saker til handsaming i 2008. I tillegg har leiaren og skrivaren hatt møte annakvar veke heile året i snitt.

Skrivar

Borghild Løver har vore skrivar tilsvarende 20% stilling.

Kontorlokale og arkiv

Lagskontoret har i 2008 vore i tredje høgda i Mållagsbygget midt i Kristiansand sentrum. Medlemene i historielaget har alltid kunna nå skrivaren per telefon dag som kveld og tinge bøker. Hovudlageret av bøker og årsskrift har vore på Statsarkivet i Kristiansand, dvs. på Gimlekollen.

Årsmøtet 2008

Årsmøtet vart halde i "Majorstuen" på Evjemoen laurdag 12. april 2008. Det var møtt fram om lag 50 direktmedlemer og lokallagsrepresentantar. Nils Voje Johansen heldt føredrag om den tre år korte gullgruvesoga til Arendal. Torbjørg Rysstad og Maria Haugå framførte tradisjonsrike feleslåttar og Svein Kleivene med muntre historier. Turnemnda hadde førebudd seg godt til årsmøtet, og presenterte 4 ulike turar som årsmøtedeltakarane skulle setje opp i prioritert rekkjefylgje.

Medlemsutvikling

Agder Historielag hadde 840 medlemmer den 31.12.2008. 35 av desse var lokallag.

Årsskriftet 2008

Årsskrift nr. 84 vart sendt ut like føre jul og var på 160 sider. Årsskriftet vart trykt i 1400 eksemplar. Tema denne gongen var: sjøfart, ord/uttrykk, krigshistorie og folkeminne. I redaksjonskomitéen sat Beint Foss, Johnny Haugen, Leonhard Jansen, Marie T. Sørensen og Borghild Løver.

Egde

Medlemsbladet EGDE kom ut med to nummer i 2008. Redaksjonen for dette bladet var Borghild Løver. Bladet vart trykt i 1100 eksemplar og sendt ut til alle medlemene.

Internettside

Internettida til Agder Historielag har vorte fullstendig oppdatert i 2008 ved hjelp av eit godt samarbeid mellom Tormod Engebu og skrivaren. Sjå www.agderhistorielag.no.

Sturla Ertzeid-dvd

Ved hjelp av tilskot frå Vest-Agder fylkeskommune fekk Agder Historielag produsert ein dvd av forteljaren Sturla Ertzeid, filma av Lars Emanuel Egeland og Øystein Løland. Dvd'en vart lansert i mars, ein dvd som er eit vellukka døme på at historie av i dag er eit like interessant prosjekt som historie for hundrevis av år sidan.

Løylandprosjektet

Boka om folkeminnesamlaren Jon Løyland vart lansert av redaktøren Leonhard Jansen den 15. oktober på Revsnes Hotell, og gjorde garantert stor suksess under treet som flotte julegåver. Utdrag frå boka vart dagleg presentert i avisa Setesdølen føre jul.

Agders Historie

Det er kome ut fire band av Agdersoga:

- 1920-1945 (Kjell Olav Masdalen, 1991, 2000 eks.)
- 1840-1920 (Bjørn Slettan, 1998, 2000 eks.)
- 800-1350 (Torbjørn Låg, 1999, 2000 eks.)
- 1641-1723 (Ingeborg Fløystad, 2007, 2500 eks.)

Det femte bandet (1350-1640), som Stein Tveite skriv på, kjem vonleg i 2009/2010.

I komitéen for Agdersoga sit Stein Tveite, Bjørn Slettan, Gustav Sætra, Berit Eide Johnsen og Rune Holbek. Anne Tone Aanby er biletredaktør.

Annan aktivitet/samarbeid

Agder Historielag var til stades på Agderseminaret på UiA i Kr.sand 10. og 11. okt. I tillegg er historielaget sterkt medverkande til realiseringa av ei eiga brukargruppe av Bentsens hus (Kronprinsens gt. 59) og har hatt nokre møte saman med kommunen og dei interesserte i året som har gått.

Turnemnda skipa til tur til Nes jernverk søndag 28. september, som vart ein stor suksess med 30-40 frammøtte.

Økonomi

Medlemskontingenten for 2008 var på 250,- kr., altså auka frå året før, noko som har gjort sitt til at det ikkje vart noko underskot i år. Vest-Agder Fylkeskommune gav eit driftstilskot på 100.000 kr., i tillegg til eit tilskot til Agdersoga på 50.000 kr. Frå Aust-Agder Fylkeskommune kom det 0 i driftstilskot og 50.000 kr. til Agdersoga. Rekneskapen viser eit overskot på 95.666 kr i 2008.

På lager har me ståande ei mengd bøker som sjølv sagt utgjør ein stor verdi, men som ikkje er synt i jamvektrekneskapen. Desse vert talde ved flytting av kontoret. For fleire detaljar, sjå rekneskapsversyn og revisjonsmelding.

Oppsummering

Historielaget har halde ein høg aktivitet òg i 2008. Nettsida er vorten oppdatert, det er gjort digitalisering av årsskrifta fram til 1952. Representantar frå styret har vore til stades på jubileumsfesten til Vennesla Historielag og på skipingsmøtet til eit nytt historielag i Audnedal. Beint Foss er dessutan varamedlem til styret i landslaget.

I tillegg har me hatt fleire viktige samarbeidspartnarar som me ynskjer å rette ein særskild takk og helsing til:

Kristiansand kommune, Posebymarknaden, Christianssands Byselskab, Fortidsminneforeningen og Wergelandselskapet, i tillegg til Aust-Agder Kulturhistoriske Senter, Statsarkivet og ikkje minst Vest-Agder og Aust-Agder fylkeskommune.

Kristiansand, januar 2009